

天目湖旅游开发30周年·诗歌专辑

天目湖赋

□ 丁欣

吾邑南山,乃天目山之余脉。因其势,筑有沙河、大溪两水库。两库一脉相连,眉黛盈盈,遂名天目湖焉。爰为之赋曰:

山巍峨南向入云,龙昂其角;水迤迤北来流玉,凤濯其翎。山吐峦尖,点点于云中浮碧;水铺镜面,丝丝在风里摇青。随意栖迟,涵养一泓澄澈;由心骋骛,拂带无尽空明。

若夫过琴桥,渡沙溪,越松岑,立莲峰。莽苍苍兮烟起岚随,皴染开万重丘壑;清澹澹兮柔波软浪,蒸腾起一片浑濛。岭外叠岭,浓淡攢来眼底;湖上悬湖,电站渺若云中。长峰

夹峙,平湖似沧江入峡;夕照惊飞,鸥群杂鹭阵横空。苍茫间,飘龙兴寨之赤帜;寥廓处,传报恩寺之清钟。

于是放兰舟而犁雪,荡桂桨以翻云。波心迎客,绣球数朵;渡口游春,花簇成群。盖漾琉璃,白莲含韵;弦张琴瑟,清气随人。蝴蝶翩跹,翅腾幽谷;蘑菇蓬勃,伞满芳茵。逍遥兮桥晃银珠,通天有梦;清冽兮壶斟玉瀑,润物无痕。绝顶垂虹,双索穿梭于日月;老街悬旆,半山喧闹在晨昏。溯洄游矣,而至湿地。千溪百涧,溶漾于胸;竹屿芦洲,串联成佩。

既而舣舟登湖里之山,振袂上状

元之阁。蕊榜琳琅,星精熠烁。水灏灏兮扬舲,风呼呼兮振铎。而见山川人物,恍惚驱驰。纷纷也,泠泠也:是乃子胥箫,中郎琴,谪仙赋,东野诗。凡此四公,皆曾流寓或游此。噫!吾邑文风之盛,文运之昌,或缘于斯矣!俯仰楼空,对鳌首而心犹壮;徘徊日暮,听鹿鸣而归已迟。

于是临太白之酒楼,品砂锅之鱼头,为辞曰:染青点黛带疏烟,烟景飘飘供眼前。山夹长湖云璫璫,天开明镜水缠绵。放来心魄皆飞鹭,聚起峰峦竞吐莲。春惹人怜还惹恨,何当共赏入吟笺。

游景詹沙河大桥

□ 林丽琴

新月一轮横两山,清光漫洒照澄湾。凌空射线如弦柱,夜夜风姑渔调弹。

景詹沙河大桥

□ 谢云钧

碧流霄汉浸天台,列岫飞琼缚重隈。宜借盈盈弦半月,挽钩疾钓万钧来。

景詹沙河大桥和丁兄

□ 宋晓东

攀弦九柱拟弹琴,云水同扶月一轮。空际旋回天籁曲,湖峡流翠碧千寻。

游天目湖湿地公园

□ 董远根

一泓碧水接长天,满目葱茏翠可攀。放得春心归大野,神驰云外绕湖山。

天目湖·夏

□ 周萍

细波平雨脚,清气虑炎埃。一棹摇山近,飞鸥逸远怀。

天目湖晚霞

□ 彭建勋

新月初生云海外,落霞已在夕阳西。惊看水色连天色,山岭敷披五色霓。

吴越深处一明珠

□ 朱旭明

驾舟逐浪映碧水,环湖青山似画图。璀璨美景世人赞,吴越深处一明珠。

车过天目湖

□ 陈志舜

五十年前兴水利,肩挑寒暑筑铜堤。一湖清秀收长卷,十里嵯峨绕曲溪。远渚无心摇幻境,轻舟有意剪云霓。风光锁在幽深处,几度逍遥过岭西。

春游天目湖

□ 于兰英

杨柳丝丝风拂面,微波潋滟泛轻舟。湖天浩渺山峦秀,满目风情落日收!

游天目湖

□ 王鸿声

林峦叠翠见繁花,湖水轻摇鹭踏沙。四野春光容我醉,清风相伴不思家。

湖山写真

□ 卢云娟

山似焦琴五六弦,水如美目对云天。林梢滴翠晴光戏,杳杳千峰笼紫烟。

天目湖湿地公园

□ 陈大庆

浅水滩头青草嫩,老牛舒尾水蒲边。彼时牧笛声悠远,风抚花田馥郁绵。

永遇乐·沙河水库开发三十年抒怀

□ 赵璧

千嶂雷声,万峰迅雨,天目璫璫。浊浪怀山,襄陵赤水,溪涧奔如海。桑弧蓬矢,洪魔禹治,誓要铜擒澎湃。出平湖,安澜雄镇,翻天覆地豪迈。星霜荏苒,流光缱绻,岁月悠悠卅载。夕照轻舟,渔歌唱晚,美景犹独爱。激情壮丽,遐思天籁,昂首鲲鹏之外。同风起,青衿致志,纵驰骏快。

贺天目湖旅游区建三十周年

□ 陈志明

春光明媚乘快舟,美景湖山眼中收。嬉水沙鸥迎客到,品尝厨手烩鱼头。五洲商贾联翩至,四海亲朋来溧游。学子文豪舒墨笔,随缘巧绘画书留。

水调歌头·天目湖

□ 狄平康

云结四方水,天落万重山。水连山断,大溪天目两湖还。坦荡虚之若谷,躬纳春秋时雨,涓滴聚深渊。动则溢千顷,静则观眼鳶。白鹭洲,金猴岛,紫篷船。一番点缀,风景远胜百湖湾。农舍农庄农业,茶女茶园茶道,世外有桃源。留恋不知返,何日再续缘。

一丛花·天目湖春

□ 朱晓蓉

东君无力放花枝。烟柳楚腰垂。桃红李白馨香透。海棠下、浅淡流时。雏燕绕畦,茫茫一片,春色着人迷。占来佳句好成词。唯恐接龙迟。文章太守千金字,众贤至、清气云飞。明月细风,更深漏滴,和露煮新醅。

仲春天目湖

□ 马建华

莺鸟啼醒西子梦,始开柳目美如烟。雨添危岭千层翠,云入平湖万朵莲。白发无声伍牙顶,焦桐有韵竹林边。回眸鸥鹭惊飞处,一色清光涵水天。

